




WAVE

TE TĀHUHU O TE MĀTAURANGA


MINISTRY OF EDUCATION



# Hangarau Matihiko

me Te Marautanga o Aotearoa

Kia takatū ai koe ki te Hangarau Matihiko



# Nau mai ki tō aratohu ki te Wāhanga Ako Hangarau kua whakahōutia

Mā ngā akoranga hōu i roto i te Wāhanga Ako Hangarau kua whakahōutia e para te huarahi e puta ai ngā ihu o ā tātou tamariki mō te anamata matihiko i Te Ao Māori.

Mai rā anō e noho tūāpapa ana te manawaroa, te mahi tahi me te wairua auaha ki a ngāi Māori me ūrātou tūpuna hei urupare atu ki ngā take me ngā hiahia o te ao tūturu; kia angitu ai, kia pakari ai, kia whakahīhī ai me te rauhanga.

## Te Whakapapa o te Hangarau Matihiko

Ko tā Te Marautanga o Aotearoa manawanui he whakaputa i te ākonga angitu ka tupu hei kaitauwhitiwhiti matatau, māia me te tōtika i roto i te ao Māori. E mōhiotia ana ka piki haere tonu te nui o ngā kaha me ngā pūkenga hangarau hou ka hiahiatia e te hunga rangatahi o ēnei rā. I te tau 2017 ka whakahōutia te Wāhanga Ako Hangarau hei whakaata i tēnei nekenga i te ao ako.

Ko tā te Hangarau Matihiko he whakatakatū ākonga ki te kaha whai wāhi atu ki ngā panoni whakahohoro o te ao, ki ngā ia e tupu mai ana, ki nga whakaaro aro ki anamata me te tūhurahura. Ka āwhinatia ngā ākonga me ngā kaiako e tēnei ako hou ki te rarau i te mānuka, ki te whakarite kia kaha ake te mātau o te hapori ki ngā āhua e mahi ana te hangarau matihiko, me te aha, ka mōhio rātou ki te:

- Awhi, torotoro me te hoahoa hangarau matihiko mō te ao panoni nei
- whakatutuki i tō tātou āhua pākiki, i ahu mai nō tō tātou whānautanga, ki te kōkiri me te tene mea hōu
- arotahi ki ngā āhua whakaaro hōu, ki te pūmanawa ki te hoahoa tenenga hei whakatutuki i ngā hiahia o ngā iwi, hapū, whānau hoki.

Ka whai wāhi ki te hoahoa hangarau te whakawāwā i ngā hangarau o mua, o nāianei, me ērā ka puta pea ā muri atu, i a koe e whai whakaaro ana i te whakaaweawe ā-taiao, ā-pāpori, ā-ahurea o aua hangarau.

E hiahia ana mātou ki te tautoko i a koe ki te whakararau i te Hangarau Matihiko ki te hinengaro ako o ā tātou tamariki. Ka āhei ngā kaiwhakaako te kōmitimiti i ngā ihirangi marautanga hou ki roto i ā rātou anō marau ā-kura. E whakatītinahia ana ngā kura ki te hanga mahere mō te tau 2020 e tūmanako ai Te Tāhuhu o te Mātauranga ka whakaakona te Wāhanga Ako Hangarau Matihiko hei wāhanga o ngā marau ā-kura.

# Ka tīmata tātou!

## Te whakatere i tēnei aratohu

Ka whakarato tēnei aratohu i te tirohanga whānui o te Wāhanga Ako Hangarau Matihiko, ka āta āwhina anō hoki i a koe kia taunga haere ki ngā ihirangi hōu marautanga Hangarau Matihiko hōu.

I a koe e pānui ana i tēnei aratohu, ka mārama haere koe ki tēnei mea, te Hangarau Matihiko, me pēhea hoki e whakatinanahia ai i roto i ū mahi whakamahere me ū hōtaka, ā, ki hea tono āwhina ai, ki hea tiki rauemi ai hoki.

Hei tautoko i tō mahi whakauru i te Hangarau Matihiko ki tō hōtaka whakaako mō te tau 2020, kua whakaurua e mātou he Mahere Tūhura ki roto i tēnei Aratohu, kia taea ai te whātika i Tō haerenga tūhura.

### Me whakarite kei a koe tēnei aratohu i a koe e tīmata ana ki te:

- whakapiki ake i tō mōhiotanga
- whakakaha i tō mātau
- whakahāngai kia nui ake, me te
- huritao i ngā momo whakauru i te Hangarau Matihiko ki roto i ū mahi whakamahere.



# Te Whakapapa o te Hangarau Matihiko

## Te Marautanga o Aotearoa

Te Āhua o te Ākonga

Ngā Uara

Ngā Mātāpono

## Hangarau

Ngā Āhuatanga o te Hangarau

Te Whakaharatau Hangarau

Hangarau Koiora

Ngā Hanga me ngā Pūhangā Manawa

Te Tāhiko me te Hangarau Whakatina

Hangarau Kai

## Hangarau Matihiko


Te Whakaaro Rorohiko

Tangata me Te Rorohiko

## Marau ā-Kura

(Ākonga, Kura, Whānau, Hapori, Hapū/lwi)

*Ehara i te mea hōu te  
Hangarau Matihiko i Te Ao  
Māori, i ā tātou mahi o ia  
rā rānei.*



## Te mōhio haere ki te Wāhanga Ako Hangarau kua whakahōutia

E noho ana te Hangarau Matihiko i roto i te wāhanga ako o te Hangarau, ā, ka taea te kōmitimiti i ngā ariā o te Hangarau Matihiko puta noa i ērā atu wāhanga ako. Ehara te Hangarau Matihiko i te hangarau hōu, he ihirangi marautanga hōu kē kei roto i te Wāhanga Ako Hangarau Matihiko - he wāhanga o Te Marautanga o Aotearoa.

### Te Wāhanga Ako Hangarau

Iho

Te Whaitake o te Ako i te Hangarau

Te Hanga o tēnei Wāhanga Ako

Ngā Āhuatanga o te Hangarau

Ngā Āhuatanga o te Hangarau

Te Whakaharatau Hangarau

Hangarau Koiora

Te Tuku Mōhiohio

Ngā Hanga me ngā Pūhangā Manawa

Te Tāhiko me te Hangarau Whakatina

Hangarau Kai

### He aha ngā mea hōu?

Kua whakahōutia ki te whakaata i te whakaurunga o te Hangarau Matihiko

Kua whakahōutia ki te whakaata i te whakaurunga o te Hangarau Matihiko

Kua whakahōutia ki te whakaata i te whakaurunga o te Hangarau Matihiko

Kāore he huringa

Kāore he huringa

Kāore he huringa

Kāore he huringa

- Kua whakahōutia ki te whakaata i te whakaurunga o te Hangarau Matihiko
  - Te Whakaaro Rorohiko
  - Te Tangata me te Rorohiko

Kāore he huringa

Kāore he huringa

Kāore he huringa

# Ngā Tupuranga mō te Wāhanga Ako Hangarau

He wā whakaongaonga tēnei mōu i a koe e takatū ana ki te whakatere i te Hangarau Matihiko me Ngā Tupuranga, hei wāhi o Te Marautanga o Aotearoa. He huahuatau te whakaaturanga ataata o ngā whetū e whakamahia ana ki te whakatere me te tātai i te haerenga mō te āhua e whakamahi ai koe i Ngā Tupuranga. Ehara i te mea ka whai te ako Hangarau Matihiko i te ara tōtika, E tohu ana ia whakatupuranga i tētahi wāhanga ako hira, wāhanga mātauranga hira rānei, e mōhio ai koe ki hea whakatere ai ā muri ake.

E whakaatu ana te anga tupuranga i ngā mahi hira e oti ai i te ākonga i tana whakawhanake i tōna mākohakoha i te Hangarau Matihiko mai i ngā Tau 1 ki te 10 – me ngā Tau 11–13 ki te kōwhiri ia ki te whakawhāiti i ana akoranga ki reira.

Ka taea te whakamahi te putanga kauneke hei tautohu i te mātauranga, ngā pūkenga me ngā waiaro o te ākonga. Ka āhei te kaiako te whakamahi i te putanga kauneke ki te whakamahere hōtaka ka whakarato i ngā whai wāhitanga ako e puta ai te ihu o te ākonga i te kura tuarua, i tua atu rānei.

## Ko tā ngā putanga kauneke:

- He āki i te kaiako kia aro atu ki tā te ākonga e mōhio ana, me ngā mahi ka taea e ia puta noa i ngā ihirangi marautanga.
- He tautoko kaiako kia mārama ki ngā āhua e mākohakoha haere ai ngā ākonga ki te Hangarau Matihiko.

- He āwhina kaiako ki te tautohu i te mātauranga Hangarau Matihiko me te tūmanakohanga o ngā hōtaka e whakarato ana ki ngā ākonga ki ngā tūmanakohanga o te marautanga.

## Ko ngā Tupuranga e rua o te Hangarau Matihiko:

- Te Whakaaro Rorohiko
- Te Tangata me Te Rorohiko

## Ako atu anō

Arotakea ēnei rauemi:

- Hangarau Matihiko <http://kauwhatareo.govt.nz/>
- Te Marautanga o Aotearoa <http://tmoa.tki.org.nz/Te-Marautanga-o-Aotearoa>
- Kia Takatū ā Matihiko <https://kiatakatu.ac.nz/>

## Ki te hoe!

1. Me rēhita tuihono mā Kia Takatū ā-Matihiko kia whanake ai tō mōhio ki te Hangarau Matihiko, ki te kohikohi ariā me ngā rauemi mō tō hōtaka whakaako, ki te hanga kōtuitui ki ētahi atu kaiako me ngā kura i tēnei pae.
2. Ina waia haere koe ki ngā ihirangi kua whakahōutia, me whai whakaaro me pēhea te whakauru i ngā ihirangi ki roto i tō hōtaka whakaako.



He aha ū mōhiotanga  
ki te Hangarau Matihiko?  
*Tautuhī, Tautohu, Whakaahua, Whakarārangi*

# **Ngā ihirangi Marautanga Hangarau Matihiko – Te whakarei i ngā whakaakoranga me ngā akoranga mā te reo Māori**

**Ehara i te mea hōu** te Hangarau Matihiko i Te Ao Māori, i ā tātou mahi o ia rā rānei. He mahi te hanga poi, te whakarite hāngī, te raranga, te hanga tukutuku kua whai tohutohu mārama, māmā hoki - ā, pēnei i te tohutao, kia tika tō whai i te raupapa o aua tohutohu. Ko tēnei momo whakaaro he ariā taketake o Te Whakaaro Rorohiko. Me whai whakaaro anō hoki ki ngā tikanga mō te hoahoa ariā hōu me te aweawenga o ēnei ki ngā tāngata. Koinei te whakaaro e noho tūāpapa ana ki te tupuranga Tangata me te Rorohiko.

Arā te maha atu o ngā āhua me ngā whai wāhitanga mō te whakauru i ngā ariā matua ki roto i te Wāhanga Ako Hangarau kua whakahōutia.

## **Kia Takatū ā Matihiko – Tahuna te ahi**

Kua tatū tēnei hōtaka, he mea ahu mai i te pūrākau mō Māui, mō tōna kuia, me te kitenga o te ahi, ki te āwhina i a koe ki te ako haere i ngā ihirangi marautanga hōu me ngā rautaki mō te whakatinana atu. Mā Kia Takatū ā-Matihiko e:

- whakarato tauira maha me ngā rautaki whakaako kia taea ai te whakahāngai ki ō mahi whakaako o nāianei
- āwhina i a koe ki te kohikohi ariā me ngā rauemi mō ō hōtaka whakaako, me te
- hanga i te kōtuituinga tautoko nunui puta noa i te whenua me te tūhono i a koe ki ētahi atu kura, kaiako me ngā toa Hangarau

He tāngata pākiki, māia, pūtohe anō hoki a Māui me te kaha hiahia kia pai ake te haere o ētahi mahi. #kiaritekiaMāui

He tangata huritau, manawanui, mātau anō hoki a Mahuika #kiaritekiaMahuika

*He tāngata pākiki, māia, pūtohe anō hoki a Māui me te kaha hiahia kia pai ake te haere o ētahi mahi. #kiaritekiaMāui*

## **Ngā Kiriahi - tūhonohono**

He wāhi hapori Ngā Kiriahi i roto i Kia Takatū ā-Matihiko e taea ai te tūhono tuihono, te ako tētahi i a tētahi mā te ara manaaki, whakatenatena tērā e whakaatu i:

- te whanaungatanga (ngā hononga)
- te manaakitanga (te tautoko)
- te mōhiotanga (te tiritiri)
- te tuakana me te teinatanga (te āwhina tētahi i tētahi)

Koinei tō hapori, he wāhi haumaru, tuwhera e āhei ai koe te whai wāhi ki ngā ihirangi (pīkau, ngā kete), te whakawhitiwhiti hoki tētahi ki tētahi. E tonoa ana koe kia takoha mai ō whakaaro, ariā, mākohakoha anō hoki. Kua hoahotia tēnei hapori ki te tautoko i ō akoranga i te pikinga haere o ō mōhio, māia, pūkenga hoki ki te whakauru i ngā ihirangi marautanga Hangarau Matihiko hōu.

## **Ako atu anō**

Arotakea ēnei rauemi:

- Ngā Kiriahi kiatakatu.ac.nz/en/resources/community/
- Kia haere tonu tō torotoro i Kia Takatū ā-Matihiko kia piki haere tonu ai tō māia

## **Ki te hoe!**

1. Kia waia haere ki Kia Takatū ā-Matihiko me Ngā Kiriahi
2. Timataria te whakakī i tō pīkau ki ngā utauta hei whakamahi i ō whakaakoranga me ō akoranga  
Whakapakaritia tō mārama ki ngā ihirangi o te Hangarau Matihiko



### **He aha ō mōhiotanga ki te Hangarau Matihiko?**

*Whakataurite, Kimi Pānga, Hanga Mahere, Whakarāpopoto*

# Whakamahia Te Wāhanga Ako Hangarau kua whakahōutia – hei mea tūrama i ō mahi whakaako o ia rā

He aratohu aromatawai whaiaro tō Kia Takatū ā-Matihiko kua whakawhanakehia hei āwhina i te kaiako kia mārama ki te wāhanga kua taea e ia i tōna haerenga ako. Ka āhei ngā kura me ngā kaiako te uru ki te whānuitanga o ngā momo āwhina ngaio hei āwhina ki te komokomo i ngā ihirangi marautanga hōu ki roto i ā rātou hōtaka whakaako me te ako.

## Arorangi - Te Ao Whakakaurahi

He taupānga a Arorangi ka āhei te tikiaki i ngā toa taupānga o Google Play me Apple iTunes. Ko tā te Arorangi he whakarato mahere wā whakaaako, ngā akoranga ataata, me ngā pānui ao whakakaurahi hei whakamahi i ngā akomanga. He rauemi anō tēnei e hanga ai ngā kaiako i ā rātou anō kete rauemi.

## Kupu Taka - he rārangi kupu, Kīanga me ngā tikanga o ēnei

Kua whakaurua he kupu hōu me ngā tikanga ki roto i ngā Wāhanga Ako Hangarau Matihiko me Te Matauranga kia aro tonu ai te reo Māori ki anamata. I a koe e tūhurahura ana, e taunga haere ana rānei ki tēnā wāhi, ki tēnā wāhi o te Hangarau Matihiko, ka tūpono kite koe i ngā kupu hōu, kupu tauwhāiti rānei e whakamahia ana i roto i ngā ihirangi hōu.

He mea nui kia tīmata koe ki te mārama haere ki ngā tikanga me ngā uauatanga pea ka aweawe i tō māramatanga ki ēnei. Kua whakarato kuputaka mātou mō ia whakatupuranga, ā, me ētahi atu wāhanga puta noa i ngā Wāhanga Ako Hangarau. Ka āhei koe te hanga haere i tāu ake kuputaka whai whakamāramatanga māmā me ngā tauira whakamahi hei whakawhānui i ngā huinga kupu o āu tāmariki.

## Me tīmata pea ki hea?

Kei roto i tēnei mōkī rauemi he tauaromahi hei tīmatanga māu. He nui atu anō ngā tauaromahi kei te ipurangi ka āhei koe te tikiaki hei āwhina i tō tāmau i ngā ihirangi marautanga hōu ki roto i ō mahi whakaako me te ako. I ētahi wā he pai te whai tauaromahi hei arataki i a koe ki te arotahi i ō whakaaro. He tauira noa iho ēnei, kei a koe pea āu anō ariā, he tāngata nō tō whānau, he hoa mahi rānei ū ka taea koe te āwhina ki te whakamahere me te whakawhanake ihirangi e āta hāngai ana ki ō marau ā-kura.

*He tangata huritau, manawanui, mātau anō hoki a Mahuika  
#kiaritekiaMahuika*

## Ētahi mea hei whai whakaarotanga māu i tō tīmatanga ki te whakamahere i tō hōtaka

- He aha ngā mahi e mahi kē ana koe, tō kura rānei e kapi ai ētahi āhuatanga o ēnei ihirangi marautanga hōu? Ki ō whakaaro me whakauru ngā ihirangi marautanga hōu ki ēhea wāhi o ērā atu wāhanga ako, ki ēhea atu horopaki?



- Ka kitea he maioro ki te whakatinana i ngā ihirangi marautanga hōu, ā, me pēhea aua maioro e pikingia ai, e hohonia ai rānei?
- Me pēhea tā koutou ko tō kura tīmata ki te torotoro i ngā ihirangi marautanga hōu i te taha o ngā ākonga, whānau me te hapori kia mōhiotia ai ō rātou tirohanga, ko te whakarite kia whai wāhi te katoa, kia tūturu, kia hāngai pū ki a rātou te pūtake.

### Ako atu anō

Arotakea ēnei rauemi

- Tirohia te tauaromahi tauira kua raua atu ki tēnei mōkī rauemi. Kua rite mō te whakamahi i tō akomanga. He maha ngā tauaromahi rerekē e wātea ana hei whakamahi i te akomanga.
- Te Tupuranga Te Whakaaro Rorohiko  
<http://kauwhatareo.govt.nz/>
- Te Tupuranga Te Tangata me Te Rorohiko  
<http://kauwhatareo.govt.nz/>

## Ki te hoe!

1. Me tīmata ki te tautohu i ngā wāhi e whakaako ana, e torotoro ana hoki/rānei i Te Whakaaro Rorohiko me Te Tangata me te Rorohiko i tēnei wā tonu.
2. Tikina ake te taupānga Arorangi ka waia haere ki ngā rauemi e wātea ana.
3. Rapua, ka hanga i tō kōtuitui tautoko.
4. Kia haere tonu te hanga i tō mahere tautoko whakawhanaketanga ngaio.



### Me pēhea te whakahāngai i te Hangarau Matihiko?

*Whakamahi, Whakahāngai, Hanga, Whakamahere me te Whakarite, Whakarāpopoto*



# Te Huritao ki te Hangarau Matihiko

He huhua tonu ngā whai wāhitanga tuihono e mahi tahi ai koutou ko ō hoamahi puta noa i te whenua mā te tūhono ki ngā rōpū matapaki, mā te hanga miro matapaki, mā te tuku pātai me te tiritiri ariā. Whai wāhi atu, tīmataria ngā kōrerorero māia, me mahi hei kaiwhakaawe, hei toa, hei tuakana, ka rapu rānei i tētahi.

Ko tētahi atu ara hei whāinga pea māu ko te tūhono atu ki tētahi, te whiwhi whakangungutanga rānei hei tētahi **Pouahi o Kia Takatū ā-Matihiko.**

Kei aua **Pouahi** te kohara ki te tautoko me te whakatupu i te takatū ā-matihiko o ō rātou hoamahi – ehara i te mea me mātanga matihiko rātou! Ko tā ngā Pouahi, hei kaihautū,



**Te huritao i ngā momo whakauru i te Hangarau Matihiko ki roto i ō mahi whakamahere**

*Whai Whakaaro, Ine, Arotake*



hei kaiako tirohanga hōu, he whakamāhanahana i te wairua pakirehua o ō rātou hoamahi mā te tautoko i ō rātou hapori ako ki te torotoro me te whakatinana i ngā ihirangī marautanga hou, ki te whakaaroaro me pēhea te whakauru ki roto i ō rātou marau ā-kura.

Ka tīmata te akoranga whakangungu mā nga Pouahi, e kīa ana Te Pā Pouahi, hei te tīmatanga o ia kaupeka kura. E ai ki te hoahoah, ka pau i te akoranga Te Pā Pouahi i waenga i te 1 me te 2 haora o te mahi i ia wiki. Ka whai wāhi hoki ki tēnei he wā mahi e oti ai i a koutou ko ō hoamahi tō mahere rautaki hukihuki.

## *Kia takatū hei tangata ā-matihiko.*

Hei te otinga o taua akoranga Pouahi (e 4 kōwae, e 6 ngā hui tuihono, me ngā tauwhitiwhitinga i roto i Ngā Kiriahī) ka taea e koe:

- te taunaki ki ō kaimahi te take e hira ai tēnei, ka mārama anō hoki ki ngā kōwhiringa e wātea ana mō te whakapuaki i tēnei i roto i te akomanga, ki ngā momo tautoko anō hoki e wātea ana.
- te whakapai ake i ō pūkenga huawaere hei āwhina i ērā kaiako e noho rangirua ana.
- te whakatinana i tētahi tukanga whakaputa i te mahere rautaki hukihuki, me te mōhio ki ērā mahi me whai ake.

## **Ki te hoe!**

Me noho he toa, ka whakaatu rānei i tō tautoko i roto i tō kura mā te whakatītina me te tautoko ākonga, kaiako me ngā whānau kia rata mai ki tēnei mea, te Hangarau Matihiko.

# Tō Mahere Tūhurahura i te Hangarau Matihiko

Whakatakotoria tāu ake mahere ki te whakamōhio haere i a koe anō ki ngā mea hōu i te Hangarau Mōhiōhio, ki te whakauru i te Hangarau Matihiko ki roto i tō hōtaka, ā, ki te whakatau i te wāhi pai rawa hei tīmata.

**Tiro ihirangi**



**Me whai wāhi mō te ohia manomano**

**He aha ngā mea e mōhio ana au?**

**He aha ngā mea kāore au e mōhio ana?**

Me tīmata ki te tuhituhi i te rārangi mea mō tō mahere, me te whakahōu haere tonu i tō tūhuratanga i ngā wāhangā hōu o te Hangarau Matihiko

**Kia nui ake tō mōhio ki ēnei:**

**Kia mārama ake ki ēnei:**

**Kia nui ake te whakahāngai i ēnei ki tāku hōtaka:**

**Huritaona me te tiritiri atu ki ētahi atu:**

Ināianei me ū tonu ki tō haerenga tūhura, ka whakakawhanake mahere kia puta ai tō ihu i te Hangarau Matihiko

**Wāhi aro**

**Whāinga**

**Rā tīmata:**

**Mā wai e āwhina/Me tiki āwhina mai i hea?**

**Rā Mutu:**

**Taumata kua ekea (i roto i te 10)**

Ināianei me ū tonu ki tō haerenga tūhura, ka whakakawhanake mahere kia puta ai tō ihu i te Hangarau Matihiko

**Wāhi aro**

**Whāinga**

**Rā tīmata:**

**Mā wai e āwhina/Me tiki āwhina mai i hea?**

**Rā Mutu:**

**Taumata kua ekea (i roto i te 10)**

E ai ki tō hiahia, me ū tō waka hōpara ki hea ā te mutunga o tēnei tāu, ā tērā tau, ā te tau e whai atu ana?

He aha ngā whakariteritenga me oti i a koe taro ake nei?

## Hei whakarāpopotonga

Te mōkī tautoko me ngā rauemi mā ngā kaiako, kura, ākonga, whānau, hapori hoki

- Kia Takatū ā-Matihiko - te whakarato rauemi e aro ana ki ngā ihirangi hou. Mā taua hōtaka e whakamārama ngā ihirangi marautanga Hangarau Matihiko hōu ki ngā kaiako, me pēhea hoki te whakaako
- Te Ako Ngaio me te Whakawhanaketanga Ngaio mō te Hangarau Matihiko kua āta whakawhāitihi - ka āhei ngā kura me ngā kāhui Ako te kōwhiri i tētahi kaihuawaere whai tohu ka mahi i ō rātou taha ki te hanga i tētahi mahere whakawhanake ki te komokomo i ngā ihirangi ki roto i tō rātou marautanga ā-rohe
- Te Matatau Matihiko (e wātea ana mai i te 2016) - ka āwhina tēnei Whakawhanaketanga Ako Ngaio whakaarotau i ngā kaiako kia whakamahi i te hangarau matihiko, ūna hōtaka, me ngā pūrere i runga i te māia ki te tautoko i ūrātou hōtaka ako me te whakaako. Ka tautokona koe e te Matatau Matihiko i tō ara mōhio haere ki te Hangarau Matihiko, me pēhea hoki te whakaako.

Ētahi atu kōkiri hei tautoko i te whakaurunga o ngā ihirangi marautanga hōu ki roto i ngā kura

- Ngā rauemi me te tautoko marautanga - tirohia ngā mea e wātea ana i te paetukutuku Hangarau Matihiko, <http://kauwhatareo.govt.nz/>



Kia Takatū ā-Matihiko  
Digital Readiness

E mahi tahi ana Te Tāhuhu o Te Mātauranga me ētahi ahumahi, ētahi whare tongarewa, me Te Manatū Whakahiatō Taiohi ki te whakarato whai wāhitanga ki ngā ākonga ki te whakawhanake i ūrātou raukaha matihiko mā te whai wāhi ki ngā akoranga hōhonu, whaitake anō hoki.

## Te whai wāhi ki tētahi whakataetae matihiko wero ā-motu

### Tahi Rua Toru Tech!

He wero hangarau whakaongaonga a 123Tech mā ngā ākonga katoa. E ako ana ngā ākonga, i ūrātou e tautokona ana e tētahi kaiwhakaruruhau ahumahi, ki te whakamahi hangarau matihiko ki te hīraurau hopanga i te ao tūturu i roto i ūrātou kura, hapori rānei. Mā ngā rōpū ākonga te wero e whakaoti, ahakoa hei mahi akomanga katoa, hei mahi ā-rōpū iti i ūrātou Karapu Waehere o te takiwā rānei. He mahi tino ngahau, me te nui o ngā paraihe hei wini! Tirohia i 123tech.nz i tēnei rā.



### Te Pūtea Ōritenga mō te Hangarau Matihiko ki te Katoa

E wātea ana ki te 12,500 ākonga puta noa i Aotearoa i ia tau. Ko te whāinga o tēnei pūtea, ko te whakarite kia whai wāhitanga ngā ākonga katoa ki te ako mā tētahi taiao matihiko. Kei roto ko te:

- Māpura Matihiko: e tuku ana i ngā whai wāhitanga auaha ki ngā ākonga e whakawhanake ai ūrātou i ūrātou kaha mā ngā awheawhe e hāngai ana ki te marautanga, e whakahaeeria tonutia ana i roto i te akomanga. Kimihia ētahi atu kōrero i [digitalignition.co.nz](http://digitalignition.co.nz)
- Raranga Matihiko: ko te whānuitanga o ngā hōtaka tauwhāiti e hautūtia ana e te Te Papa Tongarewa, kei roto ko ngā toronga ki ngā whare tongarewa, ngā toronga ki roto i te akomanga, me ngā akoranga marautanga hāngai me te whakamahi hangarau. Kimihia ētahi atu kōrero i [rarangamatihiko.com](http://rarangamatihiko.com)



### Hinonga Taiohi — Pūtea Angitu Taiohi

Ko tā tēnei he tuku tahuā ki te tautoko i te whakawhanaketanga o tētahi kaupapa hou, ariā hou hoki/ rānei mō tētahi pakihī, hinonga rānei. Ka āhei te tono pūtea i waenga i te \$5,000 ki te \$30,000. Rapua he kōrero anō i te [myd.govt.nz/funding/current-funding.html](http://myd.govt.nz/funding/current-funding.html).



Raranga Matihiko  
Weaving Digital Futures

Digital Ignition  
Māpura Matihiko

MINISTRY OF  
YOUTH DEVELOPMENT  
TE MANATŪ WHAKAHIAITO TAIOHI  
Administered by the Ministry of Social Development



Te Kāwanatanga o Aotearoa

